

Baca nota mengenai ayat aktif di bawah.

AYAT AKTIF

Keterangan	Ayat Contoh
(a) Ayat yang mengutamakan pelaku	1. Fateh menumbuk lada. 2. Ibu membaca novel kegemaran.
(b) Mengutamakan kata kerja berimbuhan awalan (meN-) iaitu me- mem- men- meng- menge-	3. Ainul mencipta sebuah lagu. 4. Adik menggaru kepala. 5. Pak Karim mengecap batik.

Contoh: Fateh **menumbuk** lada.

pelaku
↓
kata kerja transitif
objek

Arahan : Rujuk buku teks halaman 149. Baca petikan dan susun ayat yang diberikan di bawah menjadi ayat aktif yang betul.



Tatabahasa

Badak Sumbu Sumatera Terakhir

Encik Nazri telah memberitahu Afifi tentang kisah Badak Sumbu Sumatera terakhir di Malaysia.

Afifi terus melayari Internet untuk mendapatkan maklumat. Ramai masyarakat telah berbicara tentang kematian Badak Sumbu Sumatera terakhir di Malaysia. Badak Sumbu Sumatera itu sebahagian daripada haiwan terlindung di negara ini. Badak Sumbu Sumatera itu bernama Iman.

“Iman mati semasa di Santuari Badak Borneo, Hutan Simpan Hidupan Liar Tabin, di Lahad Datu, Sabah. Petugas telah memberi Iman rawatan dengan sebaik-baiknya. Walau bagaimanapun, rawatan untuk mengubati masalah ketumbuhan pada uterus Iman gagal. Berita kematian Iman menggemparkan masyarakat, terutamanya pencinta alam di negara ini. Mereka amat berdukacita dengan kejadian tersebut,” kata Afifi kepada ayahnya.

“Kesedihan ini amatlah kita rasai. Namun begitu, masyarakat harus belajar daripada kejadian ini. Kini, pihak Santuari Badak Borneo berusaha untuk membiakkan badak jenis ini di habitat yang sesuai. Mereka akan bekerjasama dengan negara jiran yang masih mempunyai badak jenis ini. Kehadiran Iman dan badak sumbu yang lain telah menceriakan alam kita selama ini,” kata Encik Nazri.

LATIHAN




Malaysia apabila Badak Sumbu Sumatera Masyarakat berita terkejut Mendengar kematian.

berumur itu yang nama Iman, 25 tahun Badak Sumbu Sumatera diberi



Santuari Badak Borneo petugas di Badak Sumbu Sumatera merawat sedang.

Badak Sumbu Sumatera kelestarian perlu habitat untuk Kita sekitar melindungi alam memelihara.



terpelihara Badak Sumbu Sumatera juga tetap agar berharap Kita sentiasa.
